

Հաստատված է՝ «Շիրակի Ս. Նալբանդյանի

անվան պետական համալսարան» հիմնադրամի

գիտական խորհրդի «09» հիմնադրի 2024թ.-ի նիստում

գիտական խորհրդի նախագործության մասին՝ Ե. Մերոբյան

Լրամշակված է՝ «Շիրակի Փակախնական պանդամ պետական համալսարան» հիմնադրամի Գիտական խորհրդի

«23» նոյեմբերի 2023թ.-ի նիստում

գիտական խորհրդի նախագահ՝ Ե. Մերոբյան

Հիմք՝ «Շիրակի Ս. Նալբանդյանի անվան պետական համալսարան» հիմնադրամի Գիտական խորհրդի

26.12.2019թ.-ի նիստում հաստատված ԾՊՀ-ի

«Ուսանողների ուսումնառության ընդհատման, հեռացման (ազատման) և վերականգնման կանոնակարգ»

## ԿԱՆՈՆԱԿԱՐԳ

### «ՇԻՐԱԿԻ Ս. ՆԱԼԲԱՆԴՅԱՆԻ ԱՆՎԱՆ ՊԵՏԱԿԱՆ ՀԱՄԱԼՍԱՐԱՆ» ՀԻՄՆԱԴՐԱՄԻ ՈՒՍԱՆՈՂԻ ՈՒՍՈՒՄՆԱՌՈՒԹՅԱՆ ԸՆԴՀԱՏՄԱՆ ԵՎ ՈՒՍԱՆՈՂԱԿԱՆ ԻՐԱՎՈՒՔՆԵՐԻ ՎԵՐԱԿԱՆԳՆՄԱՆ

#### I. ԸՆԴՀԱՆՈՒՐ ԴՐՈՒՅԹՆԵՐ

- Սույն կանոնակարգով կարգավորվում են «Շիրակի Ս. Նալբանդյանի անվան պետական համալսարան» հիմնադրամի (այսուհետ՝ Հիմնադրամ) ուսանողների ուսումնառության ընդհատման և ուսանողական իրավունքների վերականգնման հետ կապված հարաբերությունները:
- Սույն կանոնակարգի իրավական հիմքերն են «Կրթության մասին» և «Բարձրագույն և հետրուհական մասնագիտական կրթության մասին» ՀՀ օրենքները, ՀՀ ԿԳ նախարարի 2018թ. դեկտեմբերի 17-ի N1676-Ն հրամանով հաստատված «Հայաստանի Հանրապետության բարձրագույն ուսումնական հաստատությունների ուսանողների հեռացման (ազատման) և վերականգնման կանոնակարգ», Հիմնադրամի կանոնադրությունը և այլն:

3. Սույն կանոնակարգում օգտագործվող հասկացություններն են.

1) ակադեմիական պարտք՝ կիսամյակի քննաշրջանի արդյունքներով՝ ներառյալ երկու վերահանձնման փուլերը, տվյալ առարկայական դասընթացի համար սահմանված կրեդիտը չհավաքելը,

2) ակադեմիական անբավարար առաջադիմություն՝ քննաշրջանի արդյունքներով անհրաժեշտ կրեդիտները չհավաքելը,

3) առարկայական (ծրագրային) տարբերություն՝ ուսանողի ուսումնառած ուսումնական պլանում չընդգրկված առարկան կամ որևէ առարկայից կրեդիտների մեկ երրորդից ավելի տարբերություն,

4) ուսումնառության ընդհատում՝ սույն կանոնակարգով սահմանված հիմքերով Հիմնադրամից ուսանողի հեռացում կամ ազատում կամ ուսումնառության դադարեցում:

## II. ՈՒՍԱՆՈՂԻ ՈՒՍՈՒՄՆԱՌՈՒԹՅԱՆ ԸՆԴՀԱՏՈՒՄԸ

### 4. Հիմնադրամից ուսանողը հեռացվում է.

1) ակադեմիական անբավարար առաջադիմություն ցուցաբերելու պատճառով, բացառությամբ սույն կանոնակարգի 12-րդ կետով նախատեսված դեպքերի,

2) ՀՀ օրենսդրությամբ կամ Հիմնադրամի կանոնադրությամբ կամ ներքին կարգապահական կանոններով կամ Հիմնադրամի և ուսանողի միջև կնքված ուսումնառության պայմանագրով սահմանված պարտականությունները չկատարելու կամ ոչ պատշաճ կատարելու դեպքերում,

3) Հիմնադրամի կողմից սահմանված ժամկետում ուսման վարձավճարը չվճարելու դեպքում:

### 5. Հիմնադրամից ուսանողը ազատվում է.

1) իր դիմումի համաձայն,

2) այլ բուհ տեղափոխվելու դեպքում:

6. Հիմնադրամից ուսանողի ազատման մասին հրաման իր դիմումի համաձայն չի կարող տրվել, եթե նա ենթակա է հեռացման համաձայն սույն կանոնակարգի 3-րդ կետով նախատեսված դեպքերի:

### 7. Ուսանողի ուսումնառությունը դադարեցվում է.

1) Ժամկետային պարտադիր կամ շարքային և սպայական կազմերի պարտադիր գինծառայողների՝ ծառայության ընթացքում պայմանագրայրին զինվորական կամ այլնտրանքային ծառայության գորակոչվելու դեպքում,

2) հղիության և ծննդաբերության, ինչպես նաև մինչև 3 տարեկան երեխայի խնամքի արձակուրդում գտնվելու դեպքերում,

3) առողջական վիճակի պատճառով ակադեմիական արձակուրդ ձևակերպելու դեպքում:

8. Հեռացված կամ ազատված արական սերի ուսանողների վերաբերյալ հրամանները 3 աշխատանքային օրվա ընթացքում Հիմնադրամի կողմից ներկայացվում են համապատասխան տարածքային զինվորական կոմիսարիատներ: Պարտադիր զինվորական ծառայության գորակոչից տարկետման իրավունքով ընդունված, սակայն Հիմնադրամից հեռացված (ազատված) ուսանողը զրկվում է տարկետման իրավունքից:

9. Քննություններին չներկայացած կամ ակադեմիական անբավարար առաջադիմություն ունեցող ուսանողների ակադեմիական պարտքերի անվճար հիմունքներով մարումն իրականացվում է Հիմնադրամի ռեկտորի հրամանով ձևավորված քննական հանձնաժողովներով, որոնց կազմում ընդգրկվում են համապատասխան ամբիոնի վարիչը և/կամ ՄԿԾ-ի պատասխանատուն, տվյալ ամբիոնի պրոֆեսորադասախոսական կազմի մեկ ներկայացուցիչ և դասընթացը վարող դասախոսը: Ակադեմիական պարտքերի մարման վերջնաժամկետ է սահմանվում մինչև ընթացիկ կիսամյակի երրորդ շաբաթվա ավարտը:

10. Սույն կանոնակարգի 3-րդ կետի 1-ին ենթակետով նախատեսված դեպքում, Հիմնադրամից ուսանողի հեռացման հրամանը տրվում է կիսամյակի քննաշրջանի ակադեմիական պարտքերի վերահանձնման արդյունքների ամփոփումից հետո 5 աշխատանքային օրվա ընթացքում, որի մասին ուսանողը նախապես տեղեկացվում է գրավոր կամ էլեկտրոնային փոստի միջոցով:

11. Ուսանողի հեռացման կամ ազատման դեպքում, 5 աշխատանքային օրվա ընթացքում, ըստ պահանջի՝ Հիմնադրամի կողմից նրան տրամադրվում են համապատասխան հրամանի պատճենը, ակադեմիական տեղեկանքը և միջնակարգ կամ միջին մասնագիտական կրթության ավարտական փաստաթուղթը: Հիմնադրամի կողմից հաստատված ավարտական փաստաթղթի պատճենը պահպում է ուսանողի անձնական գործում:

12. Ընթացիկ ակադեմիական անբավարար առաջադիմություն ցուցաբերած ուսանողներին թույլատրվում է մինչև ավարտական ուսումնական տարվա սկիզբը լրացնել առավելագույնը 12 կրեդիտ կազմող ակադեմիական պարտքերը՝ Հիմնադրամի կողմից առաջին և երկրորդ ստուգումների համար սահմանված ժամկետներում ևս երկու անգամ վերահանձնելով համապատասխան առարկայական դասընթացները՝ ըստ Հիմնադրամի

կողմից հաստատված կարգի, որում հաշվի է առնված առարկաների շարունակականության սկզբունքն ըստ ուսումնական պլանի:

### III. ՈՒՍԱՆՈՂԻ ՈՒՍԱՆՈՂԱԿԱՆ ԻՐԱՎՈՒՔՆԵՐԻ ՎԵՐԱԿԱՆԳՆՈՒՄԸ

13. Ուսանողական իրավունքների վերականգնումը թույլատրվում է սկսած առաջին կուրսի երկրորդ կիսամյակից, ուսուցման բոլոր ձևերում, տվյալ մասնագիտության (կրթական ծրագրի) համար լիցենզիայով սահմանված տեղերի շրջանակում, բացառությամբ սույն կանոնակարգի 7-րդ կետով սահմանված դեպքերում ուսումնառությունը դադարեցրած ուսանողների, որոնք վերականգնում են իրենց ուսանողական իրավունքներն այն պահից, եթե ընդհատել են, անկախ լիցենզիայով սահմանված տեղերի քանակից: Սույն կանոնակարգի 4-րդ և 5-րդ կետերին համապատասխան Հիմնադրամից հեռացված կամ ազատված ուսանողի ուսանողական իրավունքները վերականգնվում են ուսումնառությունն ընդհատելուց առնվազն մեկ կիսամյակ հետո, անկախ ուսուցման ձևից:

14. Սույն կանոնակարգի 7-րդ կետի նշված դեպքերում ուսումնառությունը դադարեցրած ուսանողները վերականգնվում են մինչև ուսումնառության դադարեցումն ունեցած կարգավիճակի պահպանմամբ: Մնացած դեպքերում ուսանողի ուսանողական իրավունքները վերականգնվում են վճարովի ուսուցման համակարգում:

15. Չի թույլատրվում հավատարմագրում չունեցող բուհերի (մասնագիտությունների) նախկին ուսանողների ուսանողական իրավունքները վերականգնել Հիմնադրամում (մասնագիտություններում):

16. Առկա ուսուցման համակարգում ուսանողական իրավունքները վերականգնելու վերաբերյալ դիմումները ներկայացվում են Հիմնադրամի ռեկտորին՝ կիսամյակների ուսումնական պարապմունքներին նախորդող և հաջորդող երկու շաբաթների ընթացքում, իսկ հեռակա ուսուցման համակարգում՝ կիսամյակների ուսումնական պարապմունքներին նախորդող երեք շաբաթների ընթացքում: Վերականգնման դիմումին կցվում է ակադեմիական տեղեկանքը կամ ստուգման գրքույթի պատճենը՝ վավերացված դեկանի ստորագրությամբ և կնիքով:

17. Վերականգնման պահին միայն տվյալ կիսամյակի ակադեմիական պարտքեր ունենալու դեպքում ուսանողական իրավունքները վերականգնելու վերաբերյալ դրական որոշում կայացնելիս Հիմնադրամի կողմից տրվում է վերականգնման հրաման:

18. Առարկայական տարբերությունների կամ նախկին կիսամյակներից ակադեմիական պարտքերի առկայության դեպքում ուսանողական իրավունքները վերականգնելու

վերաբերյալ դրական որոշում կայացնելիս Հիմնադրամի կողմից տրվում է կցազրման հրաման: Հիմնադրամի կողմից սահմանված կանոնակարգով, մինչև տվյալ կիսամյակի քննաշրջանի սկիզբը, առարկայական տարբերությունները հանձնելուց (առավելագույնը մեկ վերահանձնման հնարավորությամբ) հետո՝ սովորող հրամանագրվում է Հիմնադրամում՝ սույն կանոնակարգի 20-րդ կետի կարգավորումների համաձայն:

19. Ակադեմիական պարտքերի մարումն իրականացվում է ուսումնական պլանով նախատեսված քննաշրջանի ժամանակահատվածում՝ ներառյալ երկու վերահանձնման փուլերը:

20. Վճարովի ուսուցման համակարգում ուսանողական իրավունքները վերականգնող ուսանողի հրամանագրումը կատարվում է միայն անհրաժեշտ վճարումները կատարելուց հետո՝ Հիմնադրամի ռեկտորի հրամանով սահմանված ժամկետներում: Ուսանողն ազատվում է նախկինում կրեդիտներ հավաքած առարկաների ուսումնական պարապմունքներից և ատեստավորումից: Ուսանողը պարտավոր է վճարել միայն այն առարկայական դասընթացների համար, որոնք ուսումնառելու է: Վճարը հաշվարկվում է ըստ դասընթացների ընդհանուր գումարային կրեդիտների քանակի՝ հաշվի առնելով Հիմնադրամում համապատասխան մասնագիտության (կրթական ծրագրի) համար տվյալ կուրսում սահմանված մեկ կրեդիտի արժեքը:

21. Ուսանողը վերականգնվում է այն կիսամյակում, որից ուսումնառությունն ընդհատվել է, եթե վերականգնման պահին վերահանձնման ենթակա առարկայական տարբերությունները և ակադեմիական պարտքերը չեն գերազանցում 20 կրեդիտը, բացառությամբ սույն կանոնակարգի 7-րդ կետով սահմանված դեպքերի: Հակառակ դեպքում ուսանողին առաջարկվում է իր ուսանողական իրավունքները վերականգնել ավելի ցածր այն կիսամյակից, որից ուսումնառության շարունակման դեպքում առարկայական տարբերությունների սույն կետում նշված պահանջը բավարարվում է:

22. Սույն կանոնակարգի 7-րդ կետի 1-ին ենթակետի համաձայն ուսումնառությունը դադարեցրած ուսանողը վերականգնվում է ուսումնառության դադարեցման պահից, եթե ուսանողն իր իրավունքները վերականգնելու վերաբերյալ դիմումը ներկայացրել է ուսումնառության դադարեցման պատճառը վերանալու օրվանից հետո ոչ ուշ, քան երկու ամսվա ընթացքում ձմեռային զորակոչի դեպքում և երեք ամսվա ընթացքում ամառային զորակոչի դեպքում՝ անկախ տվյալ մասնագիտության (կրթական ծրագրի) համար լիցենզիայով սահմանված տեղերի քանակից, առաջացած առարկայական տարբերություններից ու ակադեմիական պարտքերից: Նշված ժամանակահատվածի

ընթացքում վերականգնման դիմում չներկայացնելու դեպքում ուսանողը հեռացվում է Հիմնադրամից:

22.1 Սույն կանոնակարգի 7-րդ կետի 1-ին ենթակետի համաձայն ուսումնառությունը դադարեցրած ուսանողը ՀՀ կառավարության 2023թ. փետրվարի 9-ի N 160-Ն որոշման N 1 հավելվածով սահմանված կարգով պայմանագրայրին զինվորական ծառայության անցնելու դեպքում, կարող է վերականգնել ուսանողական իրավունքները հեռակա ուսուցման համակարգում կամ մինչև պայմանագրի ավարտը երկարաձգել ուսումնառությունը դադարեցնելու ժամկետը:

23. Սույն կանոնակարգի 7-րդ կետի համաձայն ուսումնառությունը դադարեցրած ուսանողը վերականգնման պահին նախկին մասնագիտությամբ (կրթական ծրագրով) համապատասխան կուրսի բացակայության դեպքում՝ Հիմնադրամի առաջարկությամբ և ուսանողի համաձայնությամբ, կարող է վերականգնվել հարակից մասնագիտությամբ (կրթական ծրագրով), իսկ վերջինիս բացակայության պարագայում՝ այլ մասնագիտությամբ (կրթական ծրագրով)` անկախ տվյալ մասնագիտության (կրթական ծրագրի) համար լիցենզիայով սահմանված տեղերի քանակից, առաջացած առարկայական տարրերություններից ու ակադեմիական պարտքերից:

24. Վճարովի ուսուցման համակարգում վերականգնված ուսանողը կարող է մասնակցել ուսանողական նպաստի հատկացման (փոխատեղման) համար անցկացվող մրցույթին առնվազն մեկ ուսումնական տարի սովորելուց հետո: Ուսանողական նպաստի ձևով ուսման վարձի լրիվ փոխատուցմամբ ուսումնառությունը կարող են շարունակել Հայաստանի Հանրապետության օրենսդրությամբ սահմանված կարգավիճակ ունեցող ուսանողները:

25. Վերականգնված ուսանողի դիմումը, ակադեմիական տեղեկանքը, վերականգնման մասին հրամանի պատճենը, Հիմնադրամի հետ կնքած պայմանագիրը, միջնակարգ կամ միջին մասնագիտական կրթության ավարտական փաստաթուղթը և ուսման վարձավճարի վճարման անդորրագրի պատճենը պահպում են նրա անձնական գործում:

#### IV. ԱՆՑՈՒՄԱՅԻՆ ԴՐՈՒՅԹՆԵՐ

26. Սույն Կանոնակարգի 12-րդ կետի դրույթը չի տարածվում պարտադիր զինվորական ծառայությունից տարկետման իրավունքով Հիմնադրամ ընդունված ուսանողների, ինչպես նաև Հայաստանի Հանրապետության պաշտպանության նախարարության պատվերով սովորող ուսանողների և կուրսանուների վրա:

## V. ԵԶՐԱՓԱԿԻՉ ԴՐՈՒՅԹՆԵՐ

27. Սույն կանոնակարգը, վերջինիս մեջ առաջարկվող փոփոխություններն ու լրացումները հաստատում է Հիմնադրամի Գիտական խորհուրդը:
28. Սույն կանոնակարգը ուժի մեջ է մտնում հաստատման պահից: